





أحداث الثورة




## كاريكاتير الثورة







البلاطات تتهاى على النائب العام ضد رموز الفساد



## بورتو طرة

من أشهر مواقع التعليقات الطريفة في أحداث ما بعد الثورة موقع « بورتو طرة » على صفحات الفيس بوك والتويتر ، وهو يعلق على قضايا الفساد بشكل ساخر مضحك .. ومن بين التعليقات الساخرة التي وردت على هذا الموقع :



في بورتو طرة ومن ع الباب .. عز يقابلك بالترحاب اللعبة تلف ونظيف معاك .... ولما تلعب يستناك صفوت صفصف كله شطارة ... شوفه هتعرفه من النظارة في طرة هناك عدلى الشرير .. تعالوا زوروه هناك كثير

• في طرة لاند ومن عالباي ...  
العادلى يقابلك بالترحاب .....وجوة تلاقى جرانة معاك وعز برده بيستناك .....

وجيمى حبوب وكله ألاطة ..خلى بلدنا على البلاطة

عادلى : تعال بينا يلا .. إحنا وشله ، نقتل ونسرق فلوس كثير

• نظراً للإقبال المتزايد على بورتو طرة ، قرر القائمون على السجن بإقامة بعض المشاريع بالسجن ، وهى : ( طرة مول / طرة بارك / ستاد طرة الدولي / مجمع طرة الرياضى / مدارس طرة الخاصة / جامعة طرة الدولية ) .

• تشكيلة فريق « طرة الدولي » : ( فى حراسة المرمى : فتحى موافقة وأحمد نظيف ، وفى خط الدفاع كل من : حبيب العادلى - زهير جرانة - أحمد المغربى - أنس الفقى ، وفى خط الوسط : أحمد عز - زكريا عزمى - محمد سليمان ، أما فى خط الهجوم وعلى شكل مثلث مقلوب قاعدته صفوت الشريف ورأسى الحربة جمال مبارك - علاء مبارك ، والمدير الفنى : محمد حسنى مبارك ، والمدلك بتاع الفريق : مرتضى منصور ) .

- مبارك : إنتو فاكرين الثورة أثرت عليا ؟ أبسلوتلى ... أنا اللي أثرت على الثورة .
- مبارك فى حديثه للعرييه : أنا أدمن كلنا خالد سعيد .
- مبارك : أنا أول واحد شاركت فى ثورة ٢٥ يناير ... لآنى أنا السبب فى تفجرها .

- ملخص خطاب مبارك ... ففتنى ففتش .
- قالوا للحرامى أحلف : قالهم أيها الإخوة المواطنين.
- بورتو طرة : مزرعة الحكام والمشاهير .
- بورتو طرة لاند : منتجع النظام الفاسد السياحى .
- طرة لاند : ليه تسرق مرة ، لما ممكن تسرق مليون مرة .
- شفتوا عملنا كام جمعة من أيام الثورة ؟ جمعة الغضب والرخيل والصمود والجيش والفتنة الطافية والوحد والأرانب بالملوخية و .. و .. أنا باتحداكم جميعاً .
- فكره هايه ياريت نعملها : تتعمل رحلات بورتو طره والتذكرة بـ ١٠ جنيه وتفرج عليهم وممكن ناخذ معنا سودانى ، واللى عاوز يتصور معاهم وهما يهدوم السجن يدفع والحصيله تروح لخزانة الدوله ، واللى عاوز يرميلهم سودانى يدفع ، واللى عاوز يضرب جمال على قفاه يدفع ، وخللوا بالكلم : إحنا مش هنا عشان نشمت إحنا هنا عشان تشفى .
- انا بفكر أروح أأجر هناك أوده يومين تلاته أغير جو انا وصحابى على الأقل نلاقى ملعب كورة نلعب فيه بدل ما حنا فلسنا بسبب أسعار النوادى .
- من أمثال بورتو طرة : (إجرى يابن آدم جرى الوحوش ، يا تلحق بورتو طرة يا متلحقوش / الشعب اللى يجيلك منه الريح .. اتنحى عنه واستريح / المكتوب على الجبين ، لازم يشوفوه فى طرة الفاسدين / يا مورث فى خير ملكك ، على طرة إنت وعيلتك) .
- إعلان جديد لحديد عز : «أطلقت قناة طرة لاند حملة إعلانية جديدة لحديد عز بعد زيادة الإقبال على البناء فى سجن طرة ، وقرر رجل الأعمال أحمد عز منح طن حديد مجاناً لكل سجين جديد ... (إبنى سجنك يابن بلدى كلنا هنفضل وراك .. راحتك إنت أهم عندى وانت أولى نكون معاك) ... (سجنك هتساعدك تبنيه ، كلنا واقفين جنبك فيه) .
- تقرير طرة الرياضى : ( بعد فوزهم على فريق أبو زعبل فى الأسبوع الأخير من دورى المساجين ، صعد فريق طرة لاند بقيادة شلة الفاسدين إلى الدورى الممتاز لأول مرة .. وأكد « فتحى موافقة » المدير الفنى للفريق أن قائمة الفريق فى الموسم الجديد لم تحسم بعد .. وتضم القائمة الأولى للفريق : ( ابو طويلة فى حراسة المرمى ، والجزار وسياحة وباكورتا فى خط الدفاع ، وعز فانكى وعز مى ديوان وسليمان مساكن فى خط الوسط ، وخط الهجوم مثلث مقلوب قاعدته الشريف ورأسا الحربة جمال وعلاء) .



## فكاهات وطرائف الثوار

- خطاب من أحد الثوار لمبارك : (حسني مبارك «أسف على الازعاج» انت عملت أكبر «مطب صناعي» في تاريخ مصر والله إنت «وش إجرام» وطول عمرك «دبور» ودلوقتي معاك «زهaimer» باختصار إنت «محترم إلا ربع» كل الشعب بقى ينادي «جعلتني مجرمًا» وعملت الحلو «عسل إسود» ومن السجون «العيال هربت» سرقت من عيوننا «الفرح» إنت فاكتر مصر «كباريه» وعامل فيها «الزعيم» وكنا نقول يا عم عديها «حين ميسره...» «ليه.. يا دنيا» «هي فوضى» باختصار حسني مبارك . «طير إنت» .
- تعقيباً على الاتهامات بوجود أجندة لدى المعتصمين في ميدان التحرير، والاتهام بوجود مندسين من الخارج :

(أنا مهندس.. أنا مهندس ، هاتلي أجندة ووجبة وبس )

( من هارديز أو من كنتاكي ، هاتلي وجبة دينر بوكس أو سوبر زنجير من غير خس )

( هاتلي أجندة من الفجالة أعمل بيها ثورة في مصر )

(أنا مهندس.. أنا مهندس ، وكل الشعب كمان مهندس .. كل الناس هنا مش عايزينك ، وإنت يا حسني مش بتحسن ) .

( كل فضايحك ، كل جرايمك ، كله موجود على ويكيليكس .. أنا مهندس.. انا مهندس ، عندي أجندة مستر إكس ) .

- واحد انحشر في زحمة المرور فلقي واحد بينخبطله على شباك السيارة ، فتح الشباك و سأله عايز إيه ، قاله : الرئيس حسني مبارك خطفوه و الفدية ٥ مليون دولار ، و لو الفدية ماتدفعتش .. الخاطفين هددوا يدلقوا عليه بنزين و يولعوا فيه ، و إحنا بنجمع تبرعات .. تحب تشارك ؟ .. الرجل سأل : « و الناس بتتبرع بكام » ، الرجل الثاني : خمسة لتر بنزين لزوم الولعة .

- عودة مجموعة من الأطباء الألمان بعد إجراء عملية فصل مبارك من الكرسي بنجاح .

- مبارك طلب يترشح ثاني للرئاسة ، قالوه : أنت أهبل ؟ قال : يعني لازم الشرط ده .
- في سرير المرض وأخذ يلقي بوصاياها الأخيرة لوزيره نظيف : وصيتك الحكم من بعدى يا احمد ..- في رقبتى يا ريس ، كله تمام والسلطة هيا خدتها جمال .. (ثم راح في غيبوبة .. أفاق منها بعد قليل ) - وصيتك الشعب من بعدى يا احمد ... - ما تخافش يا ريس .. الشعب يأكل الزلط ... (ثم راح في غيبوبة .. أفاق منها بعد قليل ) - احمد .. - نعم يا ريس ؟ .. - ماتنساش .. توكيل الزلط لعلاء .
- اشتكى حسنى مبارك لحبيب العادلى إن (حمو النيل ) ما بيخلهوش ينام ..بعد ثلاث تيام اتصل بيه حبيب العادلى وقاله تمام يا فندم قبضنا على كل اللي اسمهم حمو ، وجارى ردم النيل سعادتك.
- حسنى مبارك ركب طياره هو وعيلته . طلع ورقة بمية جنيه من جيبه وقال : انا ح ارمى المية جنيه دى واللى حياخذها حاسعده . سوزان قالت له طب ما تخليهم ورقتين بخمسين وتسعد إثنين . علاء قال طيب ماتخليهم خمس ورقات بعشرين وتسعد خمسة . جمال قال طيب ماتخليهم عشر ورقة بعشره جنيه وتسعد عشره . الطيار قال طيب ما ترمى نفسك وتسعد ٧٥ مليون .
- مرة واحد ركب تاكسي ولقي السواق معلق في العربية صور جمال عبد الناصر وانور السادات وحسنى مبارك ، الراجل استغرب سأل السواق مين اللي انت معلقهم صورهم عندك ، قاله دا جمال عبد الناصر الزعيم المصري الراحل ، ودا انور السادات قائد الحرب والسلام ، ودا حسنى مبارك أبو علاء شريكى في التاكسي .
- مبارك ماشى في الصحرا شاف تمثال ، قال لحبيب العادلى شوفلي التمثال ده بتاع مين يا حبيب ، ربع ساعة رجعله حبيب العادلى وقاله : ده رمسيس الثاني يا فندم ، مبارك قاله : عرفت منين ، العادلى رد : اعترف يا فندم.
- بيقولك مره شيخ اتمسك في أمن الدولة و سابوه ، فأمن الدوله مراقبينه . أول يوم لقوه ماشى في شارع الهرم راحوا مكلمين الريس و قالوله الشيخ تاب ياريس .. ثانى يوم لقوه في كباريه قالوا الشيخ تاب و أناب ياريس .. ثالث يوم لقوه في الأتوبيس يسرق واحد قالوا الشيخ تاب و أناب و بقى من الحزب الوطنى ياريس .